



Seth tei Raguang ta thai mei pu suna kating kum 912 tang na lung lou khuane. Kakik-kata nic aju nai lou du khuane.

19



Kanak guang pu khou mi kandi khou lung bam mei mansei guai na hei si khit khit thao the. Hei kum tina Raguang rui nkham khou mansei guai na ta Ai rui su man ngam ni the tuna kalung ding the khatnic ...

20



... Khouring-khouana khatnic nruai-thaoruai kata na, Mansei ta dam lou mei kang Raguang rui kalung kabuu the.

21



Tiki Seth na mpou kajan Noah kao mei pu tho Rachap tat na khan bam mak na lung bam khuane. Kamei Raguang le tat ncham na bam mei pu e.

22



Kamei kana mpou kathum nic nai khuane. Kaniu ta Raguang lat piu kang kamei rui ncham lou na bam khuane. Kumna, Raguang rui Noah ta kathan mei khatnic gailiang mei kadat dat mei thiak khou sin su kang

kakhan the.

23

Mansei tuang Neila Kahou Mak Mei
Raguang tuang lat khou rui Pary,
Baibal/Bible khou rui phange
Thaureimei 3-6

"Nang lat akhou gut lou khou rui gaan mei ti lou e." Kalumlu 119:130



Mansei tuang Neila Kahou Mak Mei

Hime Edward Hughes
Kaba Dinv Louc Mei Byron Unger; Lazarus

Hanc Pat Louc Mei Katasin Kamei
Kaluan Kasiamv Louc Mei M. Maillot; Tammy S.

Pary 60 tuang 2

M1914.org

Bible for Children, PO Box 3, Winnipeg MB R3C 2G1 Canada

Nu Lou Mei: Nang rui juanv kang ham mak ge thei nam pat dat lana sin su nu e.

Aniu rui si mei taan lou mei guai na ta Raguang rui thai e. Mi ta tei pap tuna kao e. Pap tuang taanphi thu thei mei e.

Raguang rui nbaan ta hei di kam njian lou lou na Kana Mpou khatna mei ta kros khou nang pap jang nang phaan thei lou kang ndiu kei lou the. Kamei thei lou na Ringthao dat na Tingkao tat kan the. Nang rui kakhou lum lou na nang pap guai kuak lou kang nei ethei, kamei rui guang lou na nang pap kuak lou puni.

Nang, pap khou rui kalai na duak pat ni ethei, Raguang khou kalum tho. Njianmei RAGUANGC, Jisu rui apap jang thei lou na ringthao dat kan mei ta Ai lum the. Alung khou gut lou na apap guai kuak lou o. Kum ethei Ai ni panti kathan suna lung nu kang, nang le Tingkaeng Ringsuang mei panti khou lung ncham kang. Nang kang suna apanti hei lung kang khatnic nang na su kang nkha lou o. Jisu jan khou nei e. AMEN.

Baibal Tingmikpum pana RAGUANG ta kachu o.

Rongmei



Raguang rui ram kapum na dam lou the! Kumna rei mei mansei Adam khatnic kanou Eve ta Eden Pikuan khou dam lou khou tei Kanei tei nthui mei ram neila neila na Raguang lat piu na bam khuane. Tiki nei khat kanei neila mei mak na rianna thao khou the.

Thing thai bang kaguai na khou mei thai tu riu tuna Raguang rui sa lou bo? tuna Eve khou nruai tei rui thanv the. Kaguai na tu nu de tiki khatna tho tu riu tu e, tu rap ethei nang thei puni.

1

2



Kahi sini kahi riu tuna sa e tuna Eve rui mundao the. Nang thei ni tu ham e tuna nrui tei rui nui na sa the. Nang kamei kum puni the tuna nrui rui sa the. Khou tei Eve rui thingthai tei tuni thao the. Nrui lat tei nking lou na Eve rui thingthai tei laa na tu the.

3



Eve rui Raguang lat piu mak mei tang, Adam ta nic thingthai tei ti tu the. Adam nic Ai tu lak ge, Raguang lat liam lak ge tuna sa ni tuange tiki sa mak khe.

4



Adam le Eve tei rui Raguang lat piu mak na pap su mei gan khou kanei gaan nei mei tei paliu the. Kum tina tadut nui rui hui kariu lana pheu suai khang su the.

5



Raguang rui kanei ta hou mak khang tuna kanei rana su liam lana ramsung lim khou nkam bam kuan the.

6



Nchu mei tingjin guang pu khou Raguang rui Pikuan khou tei guang the. Kamei rui Adam le Eve tuang taan guai tei thai the. Adam rui Eve ta khuai nkham lou the. Eve rui nrui ta khuai nkham lou the. Nrui ta siang lou the, N-tu mei nic na puan pu khou rianra puni the tuna Raguang rui sa the.

7



Adam, nang rui pap su pui jang rui puluai-sauluai thao khang kandi ta siang lou the. Nang talan dui rui nang tu-jang khang taan puni the tuna Raguang rui sa the.

8



Adam le Eve kanei rui pap su puijang rui Raguang rui kanei ta charin mei Pikuan khou rui kathau pat the. Kumna Ringmei Raguang khou rui n-tam the.

9



Raguang rui kanei ta mai tuang bangsang rui kathau pat lou na kanei khang rangi pheu ti piu lou the. Mi rangi hei tabui thang rui Raguang kamei la tu cho?

10



Mi gan khou tei Adam le Eve kanei kaikhun suna reilang mei na mpou puan the. Kajan rui Cain tuna kao e. Mi tang kanei mei mpou puan dat khuane. Kajan rui Abel kao e. Cain thu lao taan mei e tiki Abel thu laoju gang mei pu e.

11



Neikhat hei Cain rui Raguang khang kaipat khang katuang phuling phung guang khuane. Tiki Abel tho katuang laoju pang khou rui gailiang mei phung guang khuane. Khou tei Abel ta Raguang kalung kun lou kuan the katnic pian lou the.

12



Tiki Cain ta tho Raguang rui pian lou lou mak khe. Khou tei Cain rui Raguang ta kalung puam the. Nang rui nchum na taan ethei thou rui nang tuang kaipat la lou mak puni na cho tuna Raguang rui Cain khou tei sa the.

13



Tiki Cain lungpuam tei nchu hei mak khe. Kanak bam pu khou Cain rui lao thang kei na, ka kai na Abel ta athung the. Kumna kata su lui the.

14



Nang kai nac Abel tho tabui thang tat kan na cho? tuna Raguang rui Cain khou tei sa the. Ai thai mak ge, akai nac ta Ai jao bam mei pu e na cho? tuna Cain rui dao the. Mi khou tei rui thao na Cain ta Raguang rui pikuan lao taan bam mei khou tei rui kakai-kalao mak na ruan tat mei mansei ti su lou the.

15



Cain tei Raguang khou rui tat pat lana kaikhun duan lana lung tat kan the. Kumna, Cain nic kana, katou, katak gei pat na kandi lung padik pat the.

16



Kumna, Adam le Eve rui kakik-kata gei na lung pat kuan the. Mi dou tei tho ntao khang suang mansei guai tei kapanti sang na lung khuane.

17



Adam le Eve rui kana mpou Seth puan dat the. Raguang rui Abel phaen ti lou tuang the tuna sa na Eve rui kajan Seth phuak the.

18